



Ilaqtariinnermut Peqqissutsimullu Ataatsimiititaliaq

Ukununnga nassiunneqarpoq:  
[inatsisartut@inatsisartut.gl](mailto:inatsisartut@inatsisartut.gl)  
[jhh@inatsisartut.gl](mailto:jhh@inatsisartut.gl)  
[annl@inatsisartut.gl](mailto:annl@inatsisartut.gl)

**UKA2018/219: Pinngitsuuisinnaajunnaarnermik katsorsaasarneq pillugu Inatsisartut inatsisaat nr. xx, xx. Xxx 2018-imeersup ataatsimiititaliami suliarineqarnerani Ilaqtariinnermut Peqqissutsimullu Ataatsimiititaliap apeqqutaanut akissuteqaat**

19-11-2018  
Sags nr. 2016 - 14800  
Akt nr. 9313344

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanaoq.gl](mailto:pn@nanaoq.gl)  
[www.naalakkersuisut.gl](http://www.naalakkersuisut.gl)

Siullermik ataatsimiititaliap UKA2018/219-imik suliaqarluarneranut qujarusuppunga tassungalu atatillugu apeqqutit tulliuuttu uannut akisassanngortinneqartut saqqummiunneqarput:

1. *Qulaani taaneqartoq innuttaasunut katsorsartinnissamik siammasissumik neqeroorutaasutut Naalakkersuisunit isigineqarpa?*

**Akissut:**

Pinngitsuuisinnaajunnaarnermi suliniuteqarnermut atatillugu katsorsaarnermi neqeroorutit uppersarneqarsinnaasunik tunngaveqartariaqarput. Tamatuma saniatigut Naalakkersuisut katsorsaasut qanoq periuseqarnissamut kiffaanngissuseqarnerat killilersorusunngilaat.

Tamanna "Siunissami atonerluinnermut katsorsaasarnermik nunatsinni pilersaarutissatut siunnersuut-mi" kiisalu pinngitsuuisinnaajunnaarnermik katsorsaasarneq pillugu Inatsisartut inatsisissaattut siunnersuummi, katsorsaarnermik neqeroorutini amerlanerusunik ammaassisumik saqqummiunneqaqqarmersumi taparserneqarpoq,.

Suut neqeroorutigineqarsinnaaneritut annerusumik apeqqutaassaaq sulisut atorsinnaasat.

Naalakkersuisut innersuussissapput katsorsaasoqarnissaanik aalajangiinnermut piumasaqaatinut aamma § 13, imm. 3-mi katsorsaanissamut neqeroorutini toqqaanermut taakkunungalu nassuiaatinut.

Allorfinni iliuuseqarluni aqqissuussamillu periutsit iluanni siammasinnerusumik periuseqarnermik tunngaveqarnissaq siunertaralugu Allorfiup sulissutigaa periutsinik nutaanik ineriartortitsinermi aalajangersaaneq. Tamatumani pingaaruteqarpoq neqeroorutigineqartut sunniuteqartuunissaat kiisalu katsorsaasut katsorsaariaatsinik assigiinngitsunik ilisimasaqarlutik suliaqarsinnaanissaat. Tamanna tunngavigalugu katsorsaarnermi neqeroorutini pitsaassuseq amerlassusermit salliutillugu ugartorneqassaaq.

2. *§ 11-mi aalajangersagaq. § 11, imm. 4-mi "sinnaavoq"-mik "pissaaq"-mik pinnani, innuttaasut namminneerlutik katsorsartinnissamut aalajangersinnaanerit qanoq ililluni Naalakkersuisunit qulakkeerneqassava? (ass. Katsorsaaviit Namminersortut)*

**Akissut:**

Qulaani katsorsaasoqarnissaanik aalajangiinermut piumasaqaatinut aamma § 13, imm. 3-mi katsorsaanssamut neqeroorutitik toqqaanermut taakkartorneqartunut innersuussissaaagut.

"Siunissami atonerluinermut katsorsaasarnermik nunatsinni pilersaarutissatut siunnersuut"-mi takuneqarsinnaavoq– peqqissutsikkut sullissinerit allat assigalugit – innuttaasoq misissorneqassasoq, taamaasilluni neqeroorummik akuliutinnginnerpaaffiusumik, innuttaasumik ikiuisussatut naatsorsuutigineqartumik kiisalu neqeroorummik innuttaasup angerlarsimaffianut qaninnerpaamut.

Naalakkersuisut nalilerpaat, "pissaaq"-mik aalajangersagaq innuttaasunut ataasiakkaanut katsorsaansarnermik neqeroorutitik tulluurtunik tulluarsaansarnermik ajornakusoortitsilissasoq.

Paasissutissiissutigineqarsinnaavoq innuttaasunut nunaqarfinniittunut najukkami katsorsaanssamik periarfissat qulakkeerniarlugit suliariumannittussarsiuussisoqassammat, taamaasilluni namminersorlutik neqerooruteqartartut assigiinngitsut akornanni killilersugaanngitsumik unammilleqatigiittoqarnissaa qulakkeerneqassalluni. Suliariumannittussarsiuussinerup tullia 2020-mi pissaaq.

3. *§ 5. Imm.3. aamma § 14, imm. 1 akornanni imminnut naapertuutinngitsunik Naalakkersuisut takusaqarsinnaappat? Naalakkersuisut qinnuigineqarput itinerusumik nassuiaateqaqqullugit.*

*"§ 5, imm. 3. Piffimmi katsorsaanssamut periarfissat aamma isumalluutit katsorsaansarnermik neqeroorutini apeqqutaasarmata innuttaasoq aalajangersimasumik katsorsartinnissaminut piumasaqaateqarsinnaanngilaq".*

*"§ 14, imm. 1. Allorfik katsorsaansarnermik neqeroorutitik aqqissuussuussaaq pisariaqartinneqartunik naliliineq pillugu innuttaasup suleqatigineratigut".*

**Akissut:**

Naamik, nassuiarneqartuni Naalakkersuisut naapertuutinngitsunik takusaqarsinnaanngillat.

§ 5, imm. 3-mi pingaarnertut allassimavoq katsorsaariaatsit tamarmik aningaasat atoriaannaasat kiisalu iluaqtissat inissisimani aallaavigisaraat, § 14 imm. 1-imili– § 5, imm. 3-mi piumasaqaatit aallaavigalugit katsorsaansarnermik inummut tulluarsarneqarnissaanut kiisalu innuttaasunut ataasiakkaanut sapinngisamik tulluarsarneqarnissaanut piumasaqaateqarfiusoq.. Aamma apeqqut 1 aamma 2-mut akissutiit takukkit.

4. *Siunnersuummut nalinginnaasumik oqaaseqaatini takuneqarsinnaavoq Allorfik paasissutissanik, nakkutilliinernik kiisalu nalilersuinernik ingerlatsissasoq. Nalilersuisarnermut tunngatillugu, Allorfiup piginnaassusertik nammineerlutik nalilersortassappagu, qanoq ilillugu Naalakkersuisut qulakkiissavaat nalilersuineq eqqortumik ingerlasimansoq?*


**Akissut:**

Apequt inatsisissatut siunnersuummi Allorfiup suliassai pillugit § 10, imm. 1, nr. 2 aamma 4-mut attuumassuteqarpoq, kiisalu nunatsinni katsorsaaneermik paasissutissaasivik pillugu kapitali 5-imut qanittumik attuumassuteqarluni.

Oqaaseqaatini erserpoq nakkutilliineq naliliinerlu assersuutigalugu pinngitsuisinnaannginnermut suliniutinik assigiinngitsunik nakkutilliinerussasoq kiisalu pitsaassutsimik nakkutilliinertut pissasoq piumasaqaatigineqartorlu suliniutit pillugit kisitsisinik paasissutissanik ingerlaavartumik naatsorsuisoqartassasoq. Apequt 1-imut akissut aamma takuuk.

Allorfiup ilanngullugu qulakkiissavaa Ilisimatusarfimmik, Naatsorsueqqissaartarfimmik suleqatigisartakkanillu avataaneersunik suleqateqarnerup atuunera tatiginartuuneralu qulakkeernissaa. Assersuutigalugu Allorfiik PHD-nngorniarnaq pillugu Syddansk Universitet, Allorfinnik kiisalu Allorfiit katsorsaaneerisa pitsaassusaannik nalilersuisussaaq isumaqatigiissutigeqqammerpaa soorlu aamma Allorfiik Aasianni, Qeqqani aamma Sermersuumi ilinniagaqarnerup, journalinik aqutsinerup katsorsaaneerullu pitsaassusaanik, Syddansk Universitetimi avataani ilisimasalimmik nalilersuisoqaqqammertoq.

Inussiarnersumik inuulluaqqusillunga  
Med venlig hilsen



Martha Abelsen

Peqqissutsimut, Isumaginninnermut Inatsisinillu Atuutsitsinnermut Naalakkersuisoq.